


WAR AN DAOULIN

EVIT AR VRO

KANTIG YAOUANKIZOU KRISTEN AR MAEZIOU
DA WERC'HEZED AR VRO

(Savet gant F. GUÉGUEN.)



Pa-tronez dous, I. tron ar Foll-goad, Taolit ho
Sell war vro Le-on ken du di-us di-
rak ho taou-la-gad hag a bell zo tost d'ho ka-lon.

Diskan



E-vel Sa-laun, o Ma-ri-a,
(1) *Uhel-vouezioù*
(2) *Izel-vouezioù*
(E-vel Sa-laun,



Ni a c'houlenn hor ba-ra
O Ma-ri-a.)

(1) An uhel-vouezioù hag an izel-vouezioù a c'hell eila ar c'han
o muezelloù prennet pe o kana gwerzenn genta an diskant evel
m'eo merket amañ.



Patronez dous, Itron ar Follgoad,
Taolit ho sell war vro Leon,
Ken dudius dirak ho taoulagad
Hag a bell zo tost d'ho kalon.

DISKAN ;

*Evel Salaun, o Maria,
Ni a c'houlenn hor bara.*

Itron Varia Ker an Itron,
Grit ma chomo, 'hed an amzer,
E pep spered evel e pep kalon,
Ar feiz kristen e bro Dreger.

*Gwerc'hez Vari, kreskit ar feiz
E pep parrez eus hor Breiz !*

Itron Varia Ru-Maen-Goulou,
Digasit d'omp, a-berz Doue,
Da heul ar peoc'h e kêr hag er maeziou,
Yec'hed ar c'horf hag en ene.

*Itron Varia Rumengoll,
Bezit ato « Remed-holl ! »*

Itron Varia goz ar Porzou,
Bezit eun deiz ouz hor gortoz,
P'en em gavimp dirak dor an Nenvou,
War dreuzou porz ar baradoz.

*Itron Varia ar Porzou,
Digorit d'omp an Nenvou !*

Patronez vat an tiegeziou,
Bennigit poan al labourer ;
Lakit frou-ez hag eost leiz ar maeziou
Hag e kanimp drant ha seder.

*Itron Varia ar Maeziou,
Santela-if hor poaniou.*

Rouanez dous, brevit ar gounnar
A lak an dud d'en em zrailha ;
Grit ma vleunio ar peoc'h war an douar
Ha m'o dezo an holl bara.

*Mestrez ar peoc'h, d'ho pugale,
Ro-it buan peoc'h Doue.*

Rouanez Frans, Itron Varia,
Gwelit ho pro din a druez ;
Hastit afo sikour ho merc'h hena
Hag e savo leun a yuhez.

*Klevit pedenn ho pugale,
Savit ar Frans hep dale !*

Rouanez Vreiz, taolit ho skoazell
War ho Preiziz e pep amzer ;
Ha diwallit diouz dismantr ar brezel
Hon holl diez ha parkeier

*Itron Varia Vreiz-Izel,
Savit uhel he banniel !*

I. — DIRAK AN AOTER-VRAS

UNAN. — Setu ni war hon daoulin, — en iliz-man — hag a zo,
war eun dro, ho ti d'eoc'h-c'houi, — ha gwir galon hor parrez-
ni. — Hon tiez hag hon tiegeziou — a zo bet savet en-dro d'ezi, —
evel m'eo bet savet an tiez er c'hêriou — e gwasked an ilizou-meur.

Iliz koz, — hag a welas, edoug an amzeriou, — kement a
draou, — darn laouen, darn glæ'harus ; — iliz chomet en ho sav —
en desped d'ar brezelioù ha da bep reveulzi ;

Iliz nevezik-flamm, marteze, — bet savet war diazezoù eun iliz
all, — deuet da veza dirapar ;

Ilizou koz, ilizou nevez, — pinvidik, pe zisterik,
holl ilizou maeziou hor bro, — ni ho kar a greiz kalon.

AN HOLL. — *Holl ilizou maeziou hor bro, — ni ho kar a greiz
kalon.*

UNAN. — C'houi eo gwir galon hor parrezioù, — c'houi eo gwir
ene ar vro.

AN HOLL. — *C'houi eo gwir galon hor parrezioù, — c'houi eo
gwir ene ar vro.*

UNAN. — Meur a gant vloaz a zo, breman, — e teuas tud aman
da zeski, d'hon tadou koz, — lezenn an Aviel. — Peogwir oa mat
an douar, — ar greun a zougas bleunioù, — ha diwarno e teuas
eun eost kaer ha puilh, — eun eost a zent hag a zentezed :

Sentezed ha sent, a bep stad, — a bep oad, a bep micher : —
rouaned ha tud dister, — rouanezed ha merc'hed paour, — eski-
bien, beleien, ha menec'h, — gwerc'hezed ha mammou kristen.

Evit holl zent hor bro, — mil bennoz d'eoc'h, Salver Jezuz !

AN HOLL. — *Evit holl zent hor bro, — mil bennoz d'eoc'h,
Salver Jezuz !*

UNAN. — Kant ha mil parrez — a voe savet e sioulder ar mae-
ziou, — dre aked sant Marzin, — ha labour ar venec'h, e ziski-
bien. — Jenoveva a zifennas Paris — hag a viras na ve dismantret
kêr — gant Atila hag e wazed : — pôtred ar skrab, hag ar skod-
tan. — Dre zaouarn sant Remi — Kloviz hag e soudard a resevas
sakramant ar vadiziant — hag an Iliz a gavas tud da stourm eviti.

An douarou a veze lakaet e stad vat, — a-unan gant an eneou.

AN HOLL. — *An douarou e veze lakaet e stad vat, — a-unan
gant an eneou.*

UNAN. — Epad ma labourad war ar maeziou, — an dud a vrezel
al gase kuit an holl enebourien — hag ar vro, neuze, — a gemere,

a nebeudou, — eun dremm, eur stuz, kaer meurbet, — dre ma teue da veza bro an dud lemm o spered, — tener o c'halon, — kalet o divrec'h.

Ar garantez-vro a vleunie e pep kalon.

AN HOLL. — *Ar garantez-vro a vleunie e pep kalon.*

UNAN. — Dre garantez he bugale — e teue ar vro da veza eul liorz dispar. — Hag el liorz-man e kreske, dre ijin an dud a vicher — ha kalon vat ar gristenien, — an ilizou-se ha n'eus ket kaeroc'h egeto e bro all ebet.

Labourerien kalonek ha soudarded kadarn — a gerze da bell-bro — evit difenn gwirioù Doue — ha bez karet hor Salver ; — eur sant oa o mestr, — ha sant Loiz oa e ano.

AN HOLL. — *Eur sant oa o mestr, — ha sant Loiz oa e ano.*

UNAN. — Pegen kaer oa neuze ar vro — e bleun he yaouankiz ! — Merc'h hena an Miz — a jome leal d'he badiziant ! —

Met eun dervez — tud fallakr a gavas an tu — da deurel louzeier fall — e touez ar gwella greun.

AN HOLL. — *Met eun dervez — tud fallakr a gavas an tu — da deurel louzeier fall — e touez ar gwella greun.*

UNAN. — Meur a spered a voe touellet — gant ar c'hredennou dizoue, — ha meur a zen a droas kein — da gredennou an Aviel. —

Pa veze an trec'h gant an dud dizoue — e koueze ar vro en eur stad reuzeudik.

AN HOLL. — *Pa veze an trec'h gant an dud dizoue — e koueze ar vro en eur stad reuzeudik.*

UNAN. — Ha setu petra a weled neuze : — an dud, — taget o c'halon gant klenved an arc'hant, — a zeu da veza kriz, — hep karan-tez e kenver an nesa ;

an dud, — taget o c'halon gant klenved an enorioù, — a vale war o c'houstians ;

an dud e karg — kentoc'h eget difenn ar familh, — al labour ar vro, ar relijion, — a zoug eur rummad enep eur rummad all.

N'eus mui na peoc'h nag emgleo — na gwir garantez-vro. — Eman digor-frank an nor — dirak an divroidi, — dirak holl enebourien ar vro... — N'o deus ken da ober nemet dont e-barz !

Met, e kreiz pep reveulzi, — goude pep barrad follentez, — an dud a wel o fazi — hag a gouez war o daoulin, — da c'houlenn pardon,

da skei war o c'halon, — an dour en o daoulagad.

AN HOLL. — *Da skei war o c'halon, — an dour en o daoulagad.*

UNAN. — Salver Jezuz, ken alies gwech ha m'o deus graet kement-se, — astennet hoc'h eus ho torn, roet hoc'h eus ho skoazell, — hag an dud, kavet ganto ar pare, — o deus adsavet ar vro en he c'haera. — Daoust hag en taol-man e lezoc'h ar vro da vont da goll ?

Eman daoulinet dirazoc'h, Salver Jezuz : — n'eus ken nemedoc'h — hag a c'hellfe lemel ar bec'h diwarni.

AN HOLL. — *Eman daoulinet dirazoc'h, Salver Jezuz : — n'eus ken nemedoc'h — hag a c'hellfe lemel ar bec'h diwarni.*

II. — PEDENN DA SENT AR FRANS

(Da gana war don Litanioù ar Werc'hez, ton *Loreta*, levr. 800, p. 1562.)

UNAN. — Jezuz, selaouit (1) hor pedenn !

AN HOLL. — *Jezuz, selaouit hor pedenn !*

UNAN. — Santez Mari, Rouanez Bro-Frans,

AN HOLL. — *Grit eur bedenn eviti.*

UNAN. — Sant Mikael Arc'hêl, difennour bras Bro-Frans,

AN HOLL. — *Roit ho skoazell d'ezi.*

UNAN. — Sant Irene eus Lyon, sant Denez eus Paris,

AN HOLL. — *(A responto, hiviziken, betek ar fin) :*

Roit ho skoazell d'ho pro garet.

UNAN. — Sant « Hilaire » eus Poitiers, difennour mat ar feiz kristen,

Sant Marzin eus Tours, avieler ar maeziou,

Sant Remi eus Reims, badezour Bro-Frans,

Sant Loiz, skouer ar Rouaned kristen,

Sant Fransez a « Sales », den aketus ha leun a zouster,

Sant Visant a Baol, abostol ar gwir garantez,

Sant Yann Vadezour a « Salle », kelenner an dud yaouank ;

Aotrou person Ars, skouer beleien ar maeziou,

Santez Blandina, plac'hig paour, hag holl verzerien ker Lyon,

Santez Jenoveva, difennourez ker Baris,

Santez Klotilda, pried ar roue Kloviz,

Santez Jan d'Ark, a gasas kuit enebourien Bro-Frans,

Santez Mac'harit-Mari, kannadez ar galon-sakr,

Santez Bernadet, kannadez ar werc'hez Vari,

Santez Tereza ar Mabig Jezuz.

III. — PEDENN EVIT BREIZ

Deut omp holl d'ho pedi, Jezuz, Doue ha den,
Da glask en ho kalon konfort en hon anken :
Jezuz, c'houi hor c'hlev, c'houi hor gwel,
Ho pet truez ouz Breiz-lzel !

Hor bro a oa eurus dindan ho taoulagad,
Beva c'hellemp e peoc'h, ho lezenn a oa mat,
Met hon tadou o deus pec'het,
Ha c'houi hoc'h eus hon dilezet.

(1) War ar sillabenn skrivet e lizerennou stouet eo diskenn gant ar c'han,

Ro-it d'imp ho skoazell. Heptoc'h ne domp netra !
Heptoc'h eur bobl a varv 'vel eur c'horf hep bara :
War ho kalon ma n'o miret
Da biou ez ay ar Vretoned ?

Gwaz d'eur brezel garo, trubuilh a zo dre holl :
Truez, na lezit ket hor bro da vont da goll
Ni ho ped, hon tal war an douar,
Ouz hor c'hlemmou na vêt ket bouzar !...

Ha c'houi tadou ar vro, c'houi sent koz ken doujet,
P'hor gwelit ken nec'het, d'hon harpa darnijet.
Roit d'eomp nerz e kreiz hon anken
Difennit Breiz da virviken !

Seiz Sant meur Breiz-Izel, kaera bleuniou hor gouenn,
Eus barr splann an Nenvou, selaouit hor pedenh
Roit d'eomp nerz e kreiz hon anken
Difennit Breiz da virviken.

*Da lavarout pe da gana war don litanion ar Werc'hez
eil ton, levr 800, pajenn 1564.*

Sant Paol, Tad ar Feiz e Bro-Leon, *pedit evidomp.*
Sant Tugdual, Kenta Eskob Landreger,
Sant Brieg, prezegour ar feiz e Bro-Dreger,
Sant Malo, embanner dispart ar feiz kristen,
Sant Samson, eskob Dol,
Sant Patern, diazeour eskopti Gwened,
Sant Kaourantin, kenta eskob Bro-Gerne,
Santez Anna, hor mamm hag hor patronez,
Sant Donasian ha sant Rogasian, merzeriet e Naoned,
Sant Melani, eskob Roazon,
Sant Gouenou, ermit, ha pastor mat,
Sant Goulven, a roas skoazel d'e genvroiz er brezel,
Sant Gwenael, a gemeras ar garg da bedi evit ar vro,
Sant Gwenole, ken troet war ar binienn,
Sant Herve, a oa ken digor daoulagad hoc'h ene,
Sant Iltud, kelenner ar sent,
Sant Jaoua, eur skouer da welout, eun drugar da glevout,
Sant Jildas, a ouelas da hec'hejou tud e ouenn,
Sant Judikael, brec'h dir ha kalon aour,
Sant Salaün, roue ha merzer,
Sant Tenenan, difennour an dud paour,
Sant Tivizio, difennour gwirion an iliz,
Sant Yann diarc'hen, den sentus, mignon ar baourentez,
UNAN. — Sent koz, menec'h, eskibien ha beleien, — n'hoc'h eus

espernet nag an amzer, — nag al labour, — na poan all ebet —
evit diazeza start ar feiz en hor bro. — Goude beza desket
kredennou ar relijion gristen, — hon tadou a ziskaras aoteriou
an doueoù faos,

hag a savas en o lec'h, — kroaz hor Salver benniget.

AN HOLL. — *Hag a savas en o lec'h, — kroaz hor Salver
benniget.*

UNAN. — Epad meur a gantved — e chomas divrall ar feiz er
parreziou diwar ar maez. — Laoskaet eo, laoskaet sionaz !... —
N'omp ket chomet war roudou hon Tadou. — Fall hon eus graet... —
Salver Jezuz, — pardonit d'eomp hon trubarderezh hag hol
leziregezh.

AN HOLL. — *Salver Jezuz, — pardonit d'eomp hon trubar-
derezh hag hol leziregezh.*

UNAN. — Koulskoude, n'eus ket nann da lavarout ! — A-benn
beza savetaet — e ranko hor bro degemerout, adarre, da vat —
al lezenn gristen.

Dre ar relijion, heuliet mat, — e teuy, c'hoaz, — da veza kaer
ha galloudek.

AN HOLL. — *Dre ar relijion, heuliet mat, — e teuy, c'hoaz, — da
veza kaer ha galloudek.*

UNAN. — Ar relijion a zesko d'eomp beza kalonek, — gouest
da c'houzant hon trubuilhou, — hardiz ha leun a fizians, — Ar
relijion a zesko d'eomp — rei hag en em rei evit mad an holl, —
Eman aet hor bro da netra, — hervez an dud. — Adsavet e ranko
beza ar c'hêriou dismantret. — N'eo ket awalc'h. —

Eun ene hon eus da rei d'hor bro.

AN HOLL. — *Eun ene hon eus da rei d'hor bro.*

UNAN. — Evit-se e rankimp gwelout ervat — pere eo an
traou — a dalvez, ar boan o c'haout. — Tadou ar vro, deskit
d'eomp kement-man ; — deskit d'eomp penaos e teuimp da veza
— « ar re a ziskouez an hent ». — Mar gellomp beza eus an dud-
man — e lakimp adarre hor parreziou da veza tachennou leun
a vuhez.

Ni a bromet beza — eus an « dud a ziskouez an hent ».

AN HOLL. — *Ni a bromet beza — eus an « dud a ziskouez
an hent ».*

UNAN. — Evit ma talc'himp d'hor ger,
lakit bennoz Doue da goueza warnomp, — sent ha sentezed
hor bro.

AN HOLL. — *Lakit bennoz Doue da goueza warnomp, — sent
ha sentezed hor bro.*

(Eun dizenez-chapeled evit ar vro.)

Litanion (da gana war don : Peccatores, te rogamus audi nos).

UNAN. — Dre c'halloud holl sent Bro-Frans ha (1) Bro-Vreiz.

AN HOLL. — *Ni ho ped, Salver Jezuz.*

UNAN. — Evit ma skedo, adarre, feiz karet hon tadou,

Evit ma talc'ho sonj ar Frans eo bet merc'h hena
an iliz,

Evit ma ray pinijenn eus he holl fec'hejou,

Evit ma sento ouzoc'h e kreiz he gwallleurion,

(1) War ar sillabenn skrivet e lizerennou stouet eo diskenn gant ar c'han.

Evit ma kavimp eur peoc'h, hervez ar justiz hag
an enor,
Evit ma kemero ar Frans nevezet he flas hag he c'harg
e touez poblou ar bed-man,
Evit ma savo gwir garantez e kalonou holl dud ar vro,
Evit ma welimp hor prizonidi distro d'ar gêr dizale,
Evit ma kendalc'ho ar priegoù dispartiet d'en em
garet atao,
Evit ma kavo ar re o deus naon o bara pemdeziek,
Evit ma chomo digor kalon pep labourer-douar d'ar
vadelez.

IV. — PEDENN DA SANTEZ JANN D'ARK

(Da veza lennet gant eur plac'h yaouank dirak skeudenn ar Santez.)

UNAN. — Santez Jann d'Ark, — Doue e fizias ennoc'h eur garg
kaer meurbet, — met gwall ziaes da gas da benn !

« Truezus oa, d'ar mare, — stad Bro-Frans ! »

AN HOLL. — Truezus oa, d'ar mare, — stad Bro-Frans !

UNAN. — Abaoe meur a vloavez — edo ar vro a-bez, koulz
lavaret, — etre daouarn soudarded estren : — an eostou a veze
laeret, — ar c'heriou devet... — Ar gernez e vernie c'hoaz — war
holl gwallourion all ar brezel, — Tud ar vro a stourme — rum-
mad enep rummad all — C'houi eo an hini a voe dibabet — evit
ober eul labour dreist galloud mab-den :

Gounid frankiz ar vro, adsevel he dismantrou.

AN HOLL. — Gounid frankiz ar vro, — adsevel he dismantrou.

UNAN. — Sentet hoc'h eus — daoust m'oa kalet evidoc'h —
kuitaat ho kerent, — ho parkeier, ho parrez, — evit mont da vre-
zelekaat etouez soudarded, — Galloud Doue ho skoazelle, — hag
e chome an trec'h ganeoc'h :

Orleans, Beaugency, — ar Roue kurunet e Reims !

AN HOLL. — Orleans, Beaugency, — ar Roue kurunet e Reims !

UNAN. — Met setu amzer ar boan o tigeri : — Gwerzet e « Com-
piegne », — lakaet er prizon, — barnet ha devet e ker-Rouen, —
An dra-man holl a rankec'h gouzanv — evit prena silvidigez
ar Frans.

AN HOLL. — An dra-man, holl, a rankec'h gouzanv — evit prena
silvidigez ar Frans.

UNAN. — Evel en hoc'h amzer, — gwechall, — Santez Jann
d'Ark, — gwall glanv eo breman ar Frans. — Soudarded estren
a zo, dre holl, er vro, — ar c'heriou a zo dismantrout ha devet —
gant dislonkadennou ar c'hirri-nij ; — ar vugale o deus naon
hag an dud, siouaz ! — n'hellont ket dont a-benn d'en em glevout,
— pa rankfed en em garout, en em sikour.

Santez hag a zistrobas ar vro, — deuit d'hon henchad.

Deskit d'eomp an doare — da savetei ar vro.

AN HOLL. — Deskit d'eomp an doare — da savetei ar vro.

UNAN. — Ra blijo gant pep-hini ober e zevel ; « an dud a
iliz a bedo, — an dud a vrezel a stourmo, — ha Doue a roio an
trec'h », — oa ho komzou, gwechall.

En amzer-man, — hon dever eo gouzanv. — El lec'h m'omp
bet lakaet gant Providans-Doue — e rankomp chom, — e ran-
komp poania, — e rankomp pedi, —

— hep koll fizians da welout, adarre, — ar vro adsavet.

AN HOLL. — Hep koll fizians da welout, adarre, — ar vro
adsavet.

UNAN. — Santez vat, evelloc'h ni a glasko karout hor familh,
— karout hor parrez, — karout hor bro.

Evelloc'h e respontimp, — pa vezimp galvet gant Doue, —
n'eus fors petra vezo gourc'hemennet d'eomp : — « Setu ni, aman,
Salver Jezuz, — diskouezit ho polontez deomp. —

Evit adsevel ar vro — e kinnigomp hon ugent vloaz.

AN HOLL. — Evit adsevel ar vro — e kinnigomp hon ugent vloaz.

(Eun dizenez-chapeled evit goulenn dre santez Jann d'Ark.
silvidigez ar vro ha distro ar brizonidi.)

V. — PEDENN EVIT ANAON AR BREZEL

(Da veza lennet, dirak roll an dud bet lazet er brezel, gant eur soudard
koz, pe eur prizonier deuet d'ar gêr : eun tad a familh, mar geller.
— Lenn da genta a vouez uhel anioù ar re a zo marvet edoug ar
brezel 14, hag ar re a zo marvet er brezel-man, pe du-hont etouez
ar brizonierien. Warlerc'h pep ano pôtred yaouank a lavarô : Maro
evit ar Vro.)

UNAN. — C'houi holl, kenvroiz ker, — bugale parrez... — a
rankas, eun dervez, — raktal ma sonas kloc'h an tan, — mont pell
diouz ho tonarou, — tud ho ti, hag ho parrez, — evit difenn ar
vro ; — kriz eo bet ho planedenn : — Doue en deus goulennet dig-
neoc'h rei ho puhez. —

Goude labourioù tenn ha kalz poanioù garo, —

Eun dervez oc'h kouezet, — falc'het gant ar maro.

AN HOLL. — Eun dervez oc'h kouezet, — falc'het gant ar maro.

UNAN. — An douar a évas — ho c'houezenn a veradou, —

A sunas dizamant ho kwad, — e kreiz ar stourmadou,

Hag a ledas eur vantell leun-bri — war ho korfou dislivet.

A weler breman c'hoaz, — mesk-ha-mesk astennet,

E beredou meur ha santel — ar Somm hag an Argon.

AN HOLL. — E beredou meur ha santel — ar Somm hag an Argon.

UNAN. — Met hoc'h eneou, breman, — kavet ganto ar pardon,

A vev, da viken, — e baradoz an Aotrou Doue.

AN HOLL. — Met hoc'h eneou, breman, — kavet ganto ar pardon.

A vev, da viken, — e baradoz an Aotrou Doue.

UNAN. — Salver Jezuz, ho pet truez outo, — mar deo ret, koulskoude.

Pa ouzoñ'h pegen kriz — eo bet o foanion kent mervel,
Pardonit, ha roit d'ezo holl — an diskuiz eternel.

AN HOLL. — *Pardonit ha roit d'ezo holl — an diskuiz eternel.*

UNAN. — Grit ma klevimp o mouezion doujet,

O kemenn d'eomp holl, — en em garet,

En em glevout er barrez — hag e pep ti,

Ha moug en hor c'halonou — elfenn ar gasoni.

Neuze, e lakaimp da dalvezout — hon holl vadou.

AN HOLL. — *Neuze e lakaimp da dalvezout — hon holl vadou.*

Pedenn evit an anaon (war don : **Kyrie** oferenn an anaon).

1. O Doue leun a druez,
Bezit mat 'vit hon tud varo. } *Kyrie eleison.*

'Vit pec'hejou o buhez,
N'o c'hastizit ket re c'haro. } *Kyrie eleison.*

O Doue leun a druez,
Bezit mat 'vit hon tud varo. } *Kyrie eleison.*

2. O⁽¹⁾ va Mamm, gwelit kanv bras hor c'halonou }
O Mamm, en envor eus hoc'h holl boanion } *Christe eleison.*
O Mamm, sec'hit d'elou ar c'hêz mammou }

3. O Doue leun a druez
Bezit mat 'vit hon tud varo. } *Kyrie eleison.*

'Vit pec'hejou o buhez
N'o c'hastizit ket re c'haro. } *Kyrie eleison.*

O Jezus, digorit frank dor an Nenvou
D'an dud kousket en o beziou. } *Kyrie eleison.*

UNAN. — Ya ! kement a zo deuet d'eomp — a rumm da rumm, — pinvidigeziou an douar, — digoret tamm ha tamm, — ilizou brudet hor c'heriou, — skridoù an dud desket, — taolioù dispar hor soudarded — hag hor martoloded, vertuzioù hor sent karet ha doujet, — ya !

Kement-se holl, — a zo hor peadra, — hag a ra korf hag ene hor bro.

AN HOLL. — *Kement-se holl, a zo hor peadra, — hag a ra korf hag ene hor bro.*

UNAN. — Kement-se holl — a zo bet fiziet ennomp. — Breman e rankomp difenn ar madou-se, — o lakaat da greski c'hoaz, — araok o lezel gant ar re all war hol lerc'h ;

rak padout a rank hor bro !

(1) Teir notenn war « O », unan war « va », diou war « Mamm ».

AN HOLL. — *Rak padout a rank hor bro !*

UNAN. — Evel ma rank padout ar feiz kristen.

AN HOLL. — *Evel ma rank padout ar feiz kristen.*

UNAN. — Evit Doue hag ar vro — o deus skuilhet o gwad ha roet o buhez. — Ni, breman, bevomp, ha marvomp d'hon tro, — mar deo ret,

« Evit Doue hag ar vro » !

AN HOLL. — *Evit Doue hag ar vro !*

(Eun dizenez-chapeled evit anaon ar brezel,
hag ar re o deus bet da c'houzant gwallenion dre ar brezel.)

VI. — PEDENN D'AN ITRON VARIA

UNAN. — Itron Varia, — hon holl fizians, — Gwerc'hez benniget, —

Dindan ho skoazell e lakaomp — amzer da zont hor bro garet.

AN HOLL. — *Dindan ho skoazell e lakaomp — amzer da zont hor bro garet.*

UNAN. — Hon tud koz, a béll zo, — o deus lakaet o fizians ennoñ'h. — N'eus ket eur c'horn er vro, — n'eus ket eun eskopti, ha na ve aes kaout enno chapelion brudet, — bet savet en hoc'h enor, — ha darempredet gant tud a vil vern, — a gar dont d'ho pedi.

Itron Varia ar Folgoad, Itron Varia Kernitron, Itron Varia ar Porzou, Itron Varia Ti-Mamm-Doue, — Itron Varia Rumengol, — Itron Varia Wir-Skour, Itron Varia ar Sklerded, —

gant hon tadou oc'h bet karet hag enoret — evel m'oa dereat.

AN HOLL. — *Gant hon tadou oc'h bet karet hag enoret — evel m'oa dereat.*

UNAN. — Breman, ez eus bet tri c'hant vloaz — e varve ar Roue Loiz XIII, — an hini a roas d'eoc'h e rouantelez. — Abaoe, gouel Maria-Hanter-Eost — a lavar d'eomp, bep bloaz, — ez oc'h gwir Rouanez Bro-Frans.

AN HOLL. — *Gouel Maria-Hanter-Eost — a lavar d'eomp, bep bloaz, — ez oc'h gwir Rouanez Bro-Frans.*

UNAN. — Diskouezet hoc'h eus — e plije an donezon d'eoc'h. —

Peogwir eo bras ho kalloud, difennit mat ho pro.

AN HOLL. — *Peogwir eo bras ho kalloud, — difennit mat ho pro.*

UNAN. — Tost e chom d'ho kalon ! Anat eo ! — Ha n'oc'h ket deuet war ho fouarou, — betek peder gwech, — edoug ar c'hantved diweza :

e Lourd, er Salet, — e Paris hag e Pontmen.

AN HOLL. — *E Lourd, er Salet, — e Paris hag e Pontmen.*

UNAN. — E Lourd hag er Salet — hoc'h eus lavaret pegen diaes e kavec'h — gwelout gwirion Doue disprizet, — ar sul dilezet,

— ha mor hudur ar pec'hejou — o c'hounid tachenn dre ar bed.
— « Grit pinijenn, hoc'h eur kemennet, — rak eman va mab o
vont da skei ! »

Siouaz ! n'eus ket bet kalz o senti ouzoc'h !

AN HOLL. — *Siouaz ! — n'eus ket bet kalz o senti ouzoc'h !*

UNAN. — Hag e sonas eur ar c'hastiz, — trec'het omp bet. —
Met evel ma teu ar ganevedenn — da lugerni warlerc'h eur barr-
arne, — c'houi en em zikouezas e Pontmen, — hag a lavaras,
eno, d'ar vugale :

« Pedit, bugale, eman va Mab o kemerout truez ouzoc'h ! »

AN HOLL. — *Pedit, bugale, — eman va Mab o kemerout truez
ouzoc'h ! »*

UNAN. — Gwasoc'h eget er bloavez dek ha tri-ugent, — setu
ar Frans, o Gwerc'hez Vari, — breset ha diskaret adarre. —

Eur wech c'hoaz, — o Mamm vat, — deuit da savetei ar vro.

AN HOLL. — *Eur wech c'hoaz, — o Mamm vat, — deuit da
savetei ar vro.*

UNAN. — Pellait diouzomp — ar gernez hag an dizesper, —

Pellait diouzomp — ar vez hag an dizenor, —

Diwallit hor c'henvroiz — bro an estren, —

D'ar re o deus ranket m — roit an eurvad da c'hel-
lout dont d'ar ger, — hep di — D'ar priejou d'ar mam-
mou, — d'ar re holl a zo sammet o c'halon, —

roit pasianted, — nerz ha feiz gwirion.

AN HOLL. — *Roit pasianted, — nerz ha feiz gwirion.*

UNAN. — C'houi, Gwerc'hez — hag a weler, e Lourd, o rei
ar pare d'an dud klanv, — o rei eun tamm frealz d'an dud
glac'haret, — ni a zougen dirazoc'h samm hor poaniou, —

ni a zougen dirazoc'h — anken ha dienez ar Frans, — anken
ha dienez ar Vretoned.

AN HOLL. — *Ni a zougen dirazoc'h — anken ha dienez ar Frans,
anken ha dienez ar Vretoned.*

UNAN. — Hon holl fizians a zo ennoc'h, — diskouezit ez oc'h
hor Mamm.

AN HOLL. — *Hon holl fizians a zo ennoc'h, — diskouezit ez oc'h
hor Mamm.*

(Eun dizeneg-chapeled evit ar peoc'h, hag evit ar re a zo er boan.)

Kantig yaouankizou Kristen ar Maeziou da Werc'hezad ar Vro.

(Er hajenn genta.)

Bennoz ar Zakramant.

Aotre da voula :

Kemper, 2 Meurs 1943.

P. JONCOUR, vikel pras.

Ti-moulerez Bro-Gerne, ru an Dudchentil, Kemper.